

# **Ala xa masenyi Annabi Naxumu be Masenyi nde yi Kitaabui xa fe ra**

Asiriya xa mangeya nu bara senbe soto je keme solomasaxan beenu Annabi Isa xa bari Isirayila boxi ma temui naxe. Na waxati pamane birin nu na a xa yaamari xoxoxe bun ma. Ninewe nu findixi a xa mangataa nan na. Asiriyakae mu nu birama Alatala xa seriye foxo ra fefe ma.

Na kui Annabi Naxumu Isirayilaka naxa yi masenyi ti e xa fe ra. Masenyi na a ra naxan xoxoxo, barima e xa fe mu nu rafanxi Ala ma. Annabi Naxumu to ge Ala xa senbe magaaxuxi masende Asiriyakae be, a naxa a fala e be e fama gbaloe jaaxi sotode e xa yunubie xa fe ra. Na kiiti nu fatanxi Ala nan na. Ala naxa Babilonkae xee Ninewe kanade je keme senni beenu Annabi Isa xa waxati.

Na masenyi nu xoxoxo Asiriyakae be, konɔ a nu findixi fe fanyi nan na Isirayilakae be, naxee nu tɔɔroma e yaxuie xa yaamari bun ma. Annabi Naxumu naxa a masen e be a yunubitɔee fama e xa kobija sare sotode Alatala yi ra. Ala xa kiiti xoxoxe Asiriyakae be, a nu limaniya fima Isirayilakae ma.

Hali to, Ala xa pama noma sɛɛwade na xa fe ra. E xa a kolon Alatala fama mixi jaaxie makiitide, a fa e sare ragbilen e ma. Won birin

a kolon tinxinyi fan, kɔnɔ a nɔma lude won be alɔ tinxintareya na sɔɔneyafe yi dunija kui, barima fe jaaxi gbo, tinxintɔɛ fan na tɔɔɔfe. Yi kitaabui a masenma won be tinxintare mu geenima, Alatala xa tinxinyi nan mixi geenima dunija bendɛ fuɔi fari nun aligiyama. Ala xa mixi birin makiiti a xa seriye ra. Amina.

## **Ala xa masenyi Annabi Naxumu be**

### *Ala xa xɔnɛ Ninewe xili ma*

<sup>1</sup> Masenyi xɔɔɔɔɔɔ nan ya Ninewe xa fe ra, Ala naxan masen Annabi Naxumu Elekosika be. Alatala magaaxu, a gbɛɔɔɔɔɔɔ mu kanama.

<sup>2</sup> Alatala a gbɛɔɔɔɔɔɔ ma nɛ,  
a xa xɔnɛ sɛnbɛ gbo a yaxuie mabiri,  
a mu diɔɔma e ma mafuren mafuren.

<sup>3</sup> Kɔnɔ Alatala mu xɔnɔma mafuren mafuren,  
a sɛnbɛ gbo han.  
Alatala mixi jaaxi sare ragbilenma nɛ fe jaaxi  
rabae ma.  
A xa jɛɛɛ luma nɛ alɔ turunnaade naxan xube  
ratema,  
a tixi nuxuie fari.

<sup>4</sup> A na xaɔɔɔ baa ma, a xɔrima nɛ,  
a xure birin naxara,  
a Basan nun Karemele findi gbengberenyi ra,  
a Liban sansie lisima nɛ.

<sup>5</sup> A geyae raserɛnma nɛ, e xunu alɔ kumi ture.  
Bɔxi sɛɛɛnma nɛ a ya i, dunija mixie boɔɔɔ  
minima nɛ.

<sup>6</sup> Nde nɔma tide a xa xɔnɛ ya ra?

Nde noma tide a xa bɔɛte ya i?

A xa xɔne luma ne alo te, naxan gemɛe bulama.

<sup>7</sup> Alatala fan, a kantari fima ne tɔɔɔmixie ma,  
a mɛɛnima ne mixie ma naxee e yete taxuma a  
ra.

<sup>8</sup> Kɔɔ a Ninewe xun nakanama ne,  
a a yaxuie kerima dimi nan kui.

<sup>9</sup> Ninewe, wo fɛɛɛ mundun fenfe Alatala xili  
ma?

A tan nan sɔntɔɛ tima kerenyi ra.

<sup>10</sup> E fama ne lude alo e kankanxi tunbe kunsie  
nan na,

alo e siisixi beere nan na,

alo sɛɛɛ xaraxi naxan ganxi feo.

<sup>11</sup> Nineweka nde bara fe jaaxi raba Alatala ra,  
a mixie rasixi fe kobi nan ma.

<sup>12</sup> Ala xa masenyi nan ya e xa fe ra:

«Hali wo yaxuie wuya, e xun fama ne rakanade,  
e nɔn.

N bara wo tan Yudayakɛ tɔɔɔ,

kɔɔɔ n mu na rabama sɔnɔn.

<sup>13</sup> Yakɔsi n wo bama ne wo yaxuie xa nɔɛ bun  
ma,

n luutie bolon wo xirixi naxee ra.»

<sup>14</sup> Alatala xa masenyi nan ya wo tan Ninewekɛ  
xa fe ra:

«Wo bɔnsɔɛ fama ne nɔnde.

N wo xa kuye masolixie nun wo xa kuye naxee  
yailanxi wure ra,

naxee na wo xa alae xa banxie kui, n nee birin  
kanama ne.

N wo sɔntɔma ne, barima wo jaaxu.»

## 2

### *Ninewe xa naxankate*

<sup>1</sup> Xεεra na fafe geyae fari,  
 a fafe xibaarui fanyi ra wo βε,  
 a βoηesa masenyi nan tima wo βε.  
 Yudayakae, wo xa wo xa salie raba,  
 wo xa wo xa laayidie rakamali Ala βε,  
 barima mixi naaxie mu fama wo sɔntɔde sɔnɔn.

<sup>2</sup> Ninewekae, wo yaxuie na fafe wo xili ma.

Wo wo xa tete makanta,  
 wo mεeni wo xa kira ma,  
 wo wo tagi ixiri,

wo xa limaniya, wo xa senβε sɔtɔ,

<sup>3</sup> barima Alatala fama nε Yaxuba xun nakelide,  
 a fama nε Isirayila itede,  
 hali kasare to ti e xa βoxi ma, e xa sansie naxa  
 tuxunsan.

<sup>4</sup> Wo yaxuie xa sɔorie na wure lefae gbeelixi  
 xaninfe,

donma gbeeli ragoroxi e ma.

E xa sɔori ragisee yanbama a fanyi ra,  
 e xa tanβεε xaapexi gere xili ma.

<sup>5</sup> Na gisee e gima kirae ra,

e gbataxi sofe ra gere kui.

E luxi alo seyamakɔnyi naxan dangima koore ra.

<sup>6</sup> Sɔori sugandixie xεema naa,

e xulun sigafe ra taa tete yire, e sa gere so.

<sup>7</sup> E mangε xa banxi naade rabi, e birin so na kui.

<sup>8</sup> Yaamari fixi taakae xa xanin konyiya kui.

A xa ginεε sigama nε wa ra sunnunyi kui.

<sup>9</sup> Ninewe bara lu alo ye ragatade ibooxi,  
a ye fa mini boxi ma.

Nde a falama, «Wo ba na rabafe, wo keli naa.»  
Koo mixi yo mu gbilenma na foxo ra.

<sup>10</sup> Booree a falama, «Wo gbeti nun xeeema tongo.  
Naafuli gbegbe na e yi ra.»

<sup>11</sup> Kasare, tuxunsanyi, nun gbaloe!  
Limaniya bara ba e yi ra,  
e sanyie mu xanfe e bun ma,  
e boje na toofofe,  
e lahale bara masara.

<sup>12</sup> Taa senbema naxan nu luxi alo yete lude,  
yete yoree nun e nga nu malabuxi xaxilisa kui  
dennaxe,  
na taa munse sooxi yi ki?

<sup>13</sup> Na yete senbema nu sube faxama a xa gine  
nun a xa die be,  
a nu a xonyi rafema sube ibooxi ra.

<sup>14</sup> Mange Alatala xa masenyi nan ya:  
«N kelima ne wo xili ma,  
n wo xa soori ragisee ganma ne,  
n wo xa yete yoree faxama ne santidegema ra,  
n sube birin bama ne wo yi ra dunija.  
Wo xa xerae xui mu mema soon.»

### 3

#### *Ninewe xa jonyi*

<sup>1</sup> Naxankate na yi taa faxeti be,  
naxan nafexi yanfanteya, se mupaxie, nun  
toomixie ra.

<sup>2</sup> Luxusinyi xui minima naa,

sɔɔri ragise sanyie xui minima,  
soee e gima, sɔɔri ragise e imaxama.

<sup>3</sup> Soe ragie geresoma,  
santidegema lintanma alo tɛ luutie,  
tanbɛ wolima alo seyamakɔnyie,  
mixi faxaxie ralantanxi yire birin ma,  
fure saxie mu ɲɔnma,  
mixie e sanyi radinma furee ra.

<sup>4</sup> Na birin fatanxi a xa seniyɛntareɲa nan ma.  
A sie mabɛndunma a xa langoeɲa ra,  
a ɲamanɛ madaxuma a duureya ra.

<sup>5</sup> Mange Alatala xa masenyi nan ya:  
«N kelima nɛ wo xili ma,  
n wo rayaagima nɛ si birin ya xɔri,  
n wo mageli ti ɲamanɛ birin ya i.

<sup>6</sup> N wo makotoma nɛ nɔxɔɛ ra, n wo rayaagi.

<sup>7</sup> Na kui, mixi yo na wo to, a a gima nɛ wo ma,  
a fa a fala, «Ninewe bara kana.  
Nde kinikinima a ma?  
Nde a madunduma?»»

<sup>8</sup> Ninewe, wo fisa Tebese bɛ,  
taa naxan dɔxɔxi Nili xure salonyie tagi,  
ye gbo dɛnnaxɛ?

Baa nu findixi a xa tɛtɛ makantaxi nan na.

<sup>9</sup> Kusi nun Misira nu sɛnbɛ fima nɛ a ma,  
Puti nun Libiya nu a malima.

<sup>10</sup> Kɔnɔ Tebese fan bara xanin konyiya kui  
ɲamanɛ ma,  
a xa die bara faxa kira xunyie ra,  
a xa kuntigie bara mayegeti sigafe ra konyiya kui.

<sup>11</sup> Wo tan dagalanma nɛ alo siisilae,  
wo wo nɔxunma nɛ wo yaxuie ya ra.

12 Wo xa banxi makantaxie luxi ne alo xore bilie,  
foye naxee bogi rayolonma mixie xa debe kui  
naxee wama e donfe.

13 Gine doro nan fa luxi wo xa boxi ma,  
soorie mu na sonon naxee wo makantama,  
wo xa naadee rabixi wo yaxuie ya ra, te bara na  
balansee gan.

14 Wo ye ba, barima gere na fafe,  
wo nde sa wo xa tete fari.  
Wo boora rafala, wo biriki bonbo.

15 Menni, te fama ne wo xa taa gande alo  
tugumie,  
santidegema fama ne wo sontode.

Wo wo malan alo tugumie,  
wo wo malan alo katoe.

16 Wo bara yulee rawuya wo xonyi dangife  
tunbuie ra koore ma.

Wo bara lu alo tugumie naxee tunganma, e siga.

17 Wo xa soorie luxi ne alo tugumi naxee na tete  
fari gesege,  
konon soge na te, e tujan,  
e siga yire mixi mu dennaxe kolon.

18 Asiriya mange, i xa yareratie na xife,  
i xa kuntigie saxi,

i xa nama bara yensen ye geyae fari,  
mixi yo mu noma e xunlande.

19 I xa gbaloe gbo, i xa fi mu yalanma.

Mixi naxee birin i xa tore xa fe mema,  
e e belexe bonboma ne jalexinyi ma,

barima mixi yo mu na wo mu kobija rabaxi  
naxan na.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 18 Apr 2025 from source  
files dated 29 Jan 2022

f1d08866-ea3e-5b9b-b506-e7690c5c61d2